

ZAKON O FISKALNIM SISTEMIMA - PREGLED NAŠIH PRIJEDLOGA (ŠTA JE USVOJENO, A ŠTA NE)

1. UKINUTI FISKALIZACIJU U VELEPRODAJI

PRIJEDLOG USVOJEN.

S tim u vezi, članom 6. u Prijedlogu zakona izvršena je izmjena člana 5. Zakona o fiskalnim sistemima koji propisuje izuzeća od obaveze evidentiranja prometa putem fiskalnim sistema. U stavu 2. propisano je da se iz obaveza evidentiranja prometa putem fiskalnih sistema izuzimaju pravna lica koja obavljaju djelatnost trgovine na veliko. Jasno je naglašeno da su to lica koja obavljaju bezgotovinsko plaćanje.

2. UVOĐENJE „REAL TIME IZVJEŠTAVANJA“

Naš prijedlog je bio da se svaki račun prije izdavanja pošalje Poreznoj upravi na ovjeru, a Porezna uprava će mu dodijeliti broj, koji se odmah vraća obvezniku. Nakon toga, obveznik može ispisati račun građaninu. To bi značilo da stanje na serveru u svakom momentu mora odgovarati stanju u kasi.

PRIJEDLOG DJELIMIČNO USVOJEN.

PRIHVACEN JE NAŠ PRIJEDLOG DA SE UVEDE „REAL TIME IZVJEŠTAVANJE“, ALI NE NA NAČIN NA KOJI SMO MI PREDLOŽILI, VEĆ SU ONI ISKORISTILI POSTOJEĆI SISTEM.

Naš prijedlog da se kupcu neće moći izdati račun dok se ne dobije broj od Porezne uprave nije prihvaćen, a kao argument navode:

Prijedlog je teško realizirati zbog prijenosa podataka. Osnovni problem kod našeg prijedloga je transport/prijenos podataka između uređaja i servera Porezne uprave, a što zavisi od pokrivenost mrežnog signala teritorije obveznika koja se koristi da se podaci prenesu (traženje broja od Porezne uprave), a posebno imajući u vidu da čitav teritorij Federacije nije jednako pokriven mrežnim signalom i intezitetom, i da postoje dijelovi koji nisu nikako ni pokriveni. U slučaju prihvatanja predloženog načina uvođenja real time izvještavanja kupac bi morao duže čekati na izdavanje računa. S druge strane, kupac može odustati od kupovine i izdavanje računa, a isti je dostavljen na server Porezne uprave, što stvara dvostruku sliku o prometu koji nije realiziran.

U svrhu uvođenja real time izvještavanja izvršene su izmjene i dopune u Prijedlogu zakona, a iskoristio se već postojeći sistem, da se izda račun kupcu, i da se u real time vremenu pošalje taj račun na server Porezne uprave. Ukoliko uređaj ne pošalje odmah podatke, isti će imati funkcionalnost da pokušava više puta, dok ne dostavi Poreznoj upravi. Omogućena je i funkcionalnost da se na zahtjev Porezne uprave podaci dostave, ukoliko uređaj nije sam poslao.

S tim u vezi, predložene su izmjene i dopune sljedećih članova Zakona:

Članom 24. u Prijedlogu Zakona, izvršena je izmjena člana 45. Zakona o fiskalnim sistemima koji omogućava tehnološki napredniji prijenos podataka sa fiskalnog sistema na server Porezne uprave odnosno umjesto GPRS, ostavlja se mogućnost korištenja i 3G ili 4G ili naprednije tehnologije.

Dalje, članom 2. Prijedloga Zakona, izvršena je izmjena člana 2. Zakona o fiskalnim sistemima koji uređuje pojmove dijelova fiskalnog sistema, te je sa tehnološkog i tehničkog dijela izvršeno prilagođavanja funkcionalnosti dijelova fiskalnih sistema.

Članom 7. Prijedloga Zakona, izvršena je izmjena člana 6. Zakona o fiskalnim sistemima koji uređuje pojmove dijelova fiskalnog sistema.

Članom 10. Prijedloga Zakona izvršena je izmjena člana 16. Zakona o fiskalnim sistemima koji uređuje ispunjenost tehničkih i funkcionalnih karakteristika fiskalnog uređaja i terminala, te izmjena člana 19. Zakona o fiskalnim sistemima koji omogućava uvođenje softverske aplikacije kao dijela fiskalnog sistema, putem koje bi se evidentirao promet.

3. UVESTI ELEKTRONIČKE NAPLATNE UREĐAJE

PRIJEDLOG NIJE PRIHVAĆEN.

Argumenti: Naš prijedlog zahtjeva potpuno uvođenje online fiskalizacije, za što ne postoje ni pravne ni materijalne pretpostavke. Izdavanje računa na ovaj način podrazumjeva potpunu operacionalizaciju elektronskog potpisa i elektronskog dokumenta kao valjanog dokaza o izvršenoj transakciji u pravnom prometu. Uzimajući u obzir da još uvijek nije usvojen Zakon o elektronskom potpisu Federacije, da nisu certificirana tjela koja će osigurati validnost elektronskog potpisa u pravnom prometu, da je potrebno uskladiti i druge zakone sa Zakonom o elektronskom potpisu, da je potrebno izgraditi informacionu infrastrukturu unutar organa uprave, da je nedostatak IT kadra u organima uprave, te brojni drugi razlozi, mišljenja su da još uvijek nisu stečeni uslovi da se implementira potpuno online fiskalizacija.

4. OMOGUĆITI ONLINE PRISTUP GRAĐANA SA PORESKOM UPRAVOM

Naš prijedlog je bio uvođenje jedinstvenog identifikatora računa kojim će se omogućiti online pristup građana sa Poreskom upravom, jer će građanin sam moći provjeriti da li je račun ovjeren u Poreskoj upravi.

PRIJEDLOG DJELIMIČNO PRIHVAĆEN.

U svrhu uvođenja provjere računa na serveru Porezne uprave od strane građana iskoristiti će se već postojeći sistem, odnosno omogućiti provjera putem QR koda. Predviđeno je da se QR kod ispisuje na fiskalnom računu, a građanin će moći putem aplikacije koju razvija Porezna uprava, putem svog mobitela izvršiti provjeru.

Naš prijedlog da se vrši kontrola putem jedinstvenog identifikatora računa nije prihvatljiv jer zahtjeva uvođenje online fiskalizacije.

5. ZAKONOM PROPISATI ŠTA SVE MORA DA SADRŽI RAČUN

PRIJEDLOG NIJE PRIHVAĆEN.

Sadržaj računa je tehničke prirode. Stoga je isto ostavljeno da se uređuje pravilnicima, zbog ubrzanog napretka tehnologije.

6. CERTIFICIRANJE

Naš prijedlog bio je da se Zakonom propiše obaveza izdavanja digitalnih certifikata koji se koriste za elektroničko potpisivanje, te za identifikaciju obveznika prilikom elektronske razmjene podataka.

PRIJEDLOG NIJE PRIHVAĆEN.

Naš prijedlog način zahtjeva uvođenje online fiskalizacije.

7. U ZAKONU ODREDITI ROK ZA DONOŠENJE PRAVILNIKA KOJIM ĆE SE PROPISATI TEHNIČKE STVARI ZA USPOSTAVU SISTEMA

PRIJEDLOG NIJE PRIHVAĆEN, jer zahtjeva uvođenje online fiskalizacije.

8. U PRIJELAZNIM I ZAVRŠNIH ODREDBAMA DEFINIRATI ROK ZA STVARANJE USLOVA ZA PRIMJENU NOVOG SISTEMA FISKALIZACIJE

PRIJEDLOG NIJE PRIHVAĆEN, jer zahtjeva uvođenje online fiskalizacije.